


十六國春秋輯補

二





補輯春秋國六十

(二)

撰 球 湯

# 十六國春秋輯補卷十九

## 後趙錄九

石虎

己酉 大寧元年。虎時疾瘳。以永和五年正月。僭卽皇帝位於南郊。大赦境內。改年曰大寧。百官增位一等。諸子進爵郡王。以尙書張良爲右僕射。故東宮謫卒高力等萬餘人。當戍涼州。行達雍城。旣不在赦例。又敕雍州刺史張茂送之。茂皆奪其馬。令步推鹿車。致糧戍所。高力督定陽梁犢等。因衆心之怨。謀起兵東還。陰令胡人吉獨鹿微告戍者。戍者皆踊拊大呼。梁犢乃自稱晉征東大將軍。率衆攻陷下辨。逼張茂爲大都督。大司馬。載以輜車。安西劉寧自安定擊之。大敗而還。秦雍間城戍。無不摧陷。斬二千石長史。長驅而東。高力等皆多力善射。一當十餘人。雖無兵甲。所在掠百姓大斧。施一丈柯。攻戰若神。所向崩潰。戍卒皆隨之。比至長安。衆已十萬。其樂平王苞。時鎮長安。盡銳距之。一戰而敗。犢遂東出潼關。進如洛川。季龍以李農爲大都督。行大將軍事。統衛軍。張賀度。征西張良。征虜石閔等。率騎十萬討之。戰於新安。農師不利。又戰於洛陽。農師又敗。乃退壁成皋。犢東掠滎陽。陳畱諸郡。季龍大懼。以燕王石斌爲大都督。中外諸

軍事。率精騎一萬。統姚弋仲、苻洪等。擊犢於滎陽東。大敗之。斬犢首而還。討其餘黨。盡滅之。二月。有沙門從雍州來。稱見佛圖澄西入關。虎掘之。無尸。唯一石。虎惡之。曰：石者朕也。葬我而去。吾將死矣。因而寢疾。晉將軍王龕拔其沛郡。始平人馬昂起兵於洛氏葛谷。自稱將軍。石苞攻滅之。誅三千餘家。時熒惑犯積尸。又犯昂。月及熒惑北犯河鼓。洛陽西北九里。石牛在青山上。忽鳴。聲聞三十里。遣人打落兩耳及肩。鐵釘四足。此節依北堂書鈔一百六十引補。未幾。季龍疾甚。以石遵爲大將軍。鎮關右。石斌爲丞相。錄尙書事。張豺爲鎮衛大將軍。領軍。將軍吏部尙書。並受遺輔政。劉氏懼斌之輔政也。害世。與張豺謀誅之。斌時在襄國。乃遣使詐斌曰：主上患已漸損。王須獵者。可小停也。斌性好酒耽獵。遂游畋縱飲。劉氏矯命。稱斌無忠孝之心。免斌官。以王歸第。使張豺弟雄。率龍騰五百人守之。石遵自幽州至鄴。敕朝堂受拜。配禁兵三萬遣之。遵慟哭而去。是日。季龍疾小瘳。問曰：遵至未。左右答言：久已去矣。季龍曰：恨不見之。季龍臨於西閣。龍騰將軍中郎二百餘人。列拜於前。季龍曰：何所求也。皆言聖躬不和。宜令燕王入宿衛。典兵馬。或言乞爲皇太子。季龍不知斌之廢也。責曰：燕王不在內邪。呼來。左右言：王酒病不能入。季龍曰：促持輦迎之。當付其璽綬。亦竟無行者。尋昏眩而入。張豺使弟雄等。矯季龍命。殺斌。劉氏又矯命。以豺爲太保。都督中外諸軍。錄尙書事。加千兵百騎。一依霍光輔漢故事。侍中徐統歎曰：禍將作矣。吾無爲豫之。乃仰藥而死。四月。虎薨於金華殿。季龍始以咸康元年僭位。至此永和五原誤太年。凡在位十五歲。於是子世卽僞位。尊劉氏爲皇

太后臨朝。進張豺爲丞相。豺請石遵、石鑒爲左右丞相。以慰其心。劉氏從之。豺與張舉謀誅李農。而舉與農素善。以豺謀告之。農懼。率騎百餘奔廣宗。率乞活數萬家。保於上白。劉氏使張舉等率宿衛精卒圍之。豺以張離爲鎮軍大將軍。監中外諸軍事。司隸校尉爲己之副。鄴中羣盜大起。迭相劫掠。彭城王遵先鎮關右。至是聞季龍之死。勒兵而還。屯於河內。姚弋仲、苻洪、石閔、劉寧及武衛王鸞、寧西王午、石榮、王鐵立義將軍段勒等。既平秦洛。班師而歸。遇遵於季城。說遵曰。殿下長而且賢。先帝亦有意於殿下矣。但以末年悞惑。爲張豺所誤。今上白相持未下。京師宿衛空虛。若聲張豺之罪。鼓行而討之。孰不倒戈開門而迎殿下者邪。遵從之。洛州刺史劉國等亦率洛陽之衆。至於季城。遵檄至鄴。張豺大懼。馳召上白之軍。遵次於蕩陰。戎卒九萬。石閔爲前鋒都督。豺將出距之。耆舊羯士皆曰。天子兒來奔喪。吾當出迎之。不能爲張豺城戍也。踰城而出。豺斬之不能止。張離率龍騰二千。斬關迎遵。劉氏懼。引張豺入。對之悲哭曰。先帝梓宮未殯。而禍難繁興。今皇嗣沖幼。託之於將軍。將軍何以匡濟邪。加遵重官。可以彌否。豺惶怖失守。無復籌計。但言唯唯。劉氏令以遵爲丞相。領大司馬。大都督中外諸軍。錄尙書事。加黃鉞九錫。增封十郡。委以阿衡之任。己丑。遵至安陽亭。張豺懼而出迎。遵命執之。於是貫甲一作庚申。曜兵入自鳳陽門。升於大武前殿。擗踊盡哀。退如東閣。斬張豺於平樂市。夷其三族。假劉氏令曰。嗣子幼沖。先帝私恩所授。皇業至重。非所克堪。其以遵嗣位。遵僞讓。至於再三。羣臣敦勸。乃受之。僭卽尊位於大武前殿。大赦殊死已下。罷上白。

園封世為譙王。邑萬戶。待以不臣之禮。廢太后劉氏為昭儀。此句亦見通鑑攷異。尋皆殺之。世立凡三十三日。此句亦見

通鑑攷異。於是李農歸請罪。遵復其位。待之如初。尊其母鄭氏為皇太后。立妃張氏為皇后。以石斌子衍為

皇太子。大司馬義陽王鑒為侍中。太傅沛王沖為太保。石苞為大司馬。石琨為大將軍。石閔為都督中外

諸軍事。輔國大將軍。錄尚書事。輔政。其月夜暴風拔樹。震雷。雨雹大如孟升。三句亦見御覽八百七十甲午。大

武暉華殿災。諸門觀閣蕩然。其乘輿服御。燒者大半。光燄照天。金石皆盡。火月餘乃滅。乙未。雨血。周遍鄴

城。此句亦見御覽八百七十七。石冲時鎮于薊。聞遵殺世而自立。乃謂其寮佐曰。世受先帝之命。遵輒廢殺。罪逆莫大。其

勅內外戒嚴。孤將親討之。於是留寧北沐堅戍幽州。帥眾五萬。自薊討遵。傳檄燕趙。所在雲集。比及常山。

眾十餘萬。次於苑鄉。遇遵赦書。謂左右曰。吾弟一也。死者不可復追。何為復相殘乎。吾將歸矣。其將陳暹

進曰。彭城篡殺自尊。為罪大矣。王雖北旆。臣將南轅。平京師。擒彭城。然後奉迎大駕。冲從之。遵馳遣王擢

以書喻冲。冲弗聽。遵假石閔黃鉞金鉞。與李農等率精卒十萬討之。戰於平棘。冲師大敗。獲冲於元氏。賜

死。坑其士卒三萬餘人。六月始葬虎。號其墓為顯原陵。偽諡武皇帝。廟號太祖。遵揚州刺史王浹。以淮南

歸順。晉西中郎將陳逵。進據壽春。征北將軍褚裒。率師伐遵。次於下邳。遵以李農為南討大都督。率騎二

萬來距。裒不能進。退屯廣陵。陳逵聞之懼。遂焚壽春積聚。毀城而還。石苞時鎮長安。謀帥關中之眾攻鄴。

左長史石光。司馬曹曜等。固諫。苞怒。誅光等百餘人。苞性貪而無謀。雍州豪右知其無成。並遣使告晉梁

州刺史司馬動。動於是率衆赴之。壁於懸鉤。去長安二百餘里。使治中劉煥。攻京兆太守劉季離。斬之三輔豪右。多殺其令長。擁三十餘壁。有衆五萬。以應勳。苞輟攻鄴之謀。使麻秋、姚國等率騎距勳。遵遣車騎王朗率精騎二萬。外以討勳爲名。因劫苞送之於鄴。勳又爲朗所距。釋懸鉤。拔宛城。殺遵。南陽太守袁景而還。初。遵之發季城也。謂石閔曰。努力事成。以爾爲儲貳。旣而立衍。閔甚失望。自以勳高一時。規專朝政。遵忌而不能任。閔旣爲都督。總內外兵權。乃懷撫殿中將士。及故東宮高力萬餘人。皆奏爲殿中員外將軍。爵關外侯。賜以宮女。樹己之恩。遵弗之猜也。而更題名善惡。以挫抑之。衆咸怨矣。而又納中書令孟準。左衛將軍王鸞之計。頗疑憚於閔。稍奪兵權。閔益有恨色。準等咸勸誅之。遵召石鑿等入議於其太后鄭氏之前。皆請誅之。鄭氏曰。季城迴師。無棘奴。豈有今日。小驕縱之。不可便殺也。鑿出。遣宦者楊環馳以告閔。十一月。石閔遂劫司空李農。及右衛王基等。密謀其廢遵。閔使將軍蘇亥彥。周成。率甲士三十八人。執遵於南臺。如意觀。遵時方與婦人彈碁。問周成等曰。反者誰也。成曰。義陽王鑿當立。遵曰。我尙如是。汝等立鑿。復能幾時。遂殺之於琨華殿。并誅鄭太后。張皇后。及其太子衍。上光祿張斐。中書令孟準。左衛王鸞等。遵字太祗。虎第九子。凡在位一百八十三日。鑿乃僭卽位。大赦殊死已下。以石閔爲大將軍。封武德王。李農爲大司馬。並錄尙書事。郎闔爲司空。秦州刺史。劉羣爲尙書左僕射。侍中。盧諶爲中書監。鑿使石苞及中書令李松。殿中將軍張才等。夜誅閔。農於琨華殿不克。禁中擾亂。鑿恐閔爲變。僞若不知者。夜斬松。

才於西中華門張才即材伎烏檀部人也善碁博蹴鞠鬥雞諸伎身長八尺飲酒石餘不亂伎御覽七百四十四并誅

石苞時石祗在襄國與姚弋仲苻洪等通和連兵檄誅閔農鑿遣石琨爲大都督與張舉及侍中呼延盛

率步騎七萬分討祗等中領軍石成侍中石啟前河東太守石暉謀誅閔農閔農殺之龍驤將軍孫伏都

劉銖等結羯士三千人伏於胡天亦欲誅閔等時鑿在中臺伏都率三十餘人將升臺挾鑿以攻之鑿見

伏都毀閣道臨問其故伏都曰閔農等反已在都掖門臣嚴率衛士謹先敢知鑿曰卿是功臣好爲官陳

力朕從臺觀卿勿憂無報也伏都有脅力善尺牘及銖率衆攻閔農不剋屯於鳳陽門閔農率衆數千毀

金門而入鑿懼閔之誅已也馳招閔農開門內之謂曰孫伏都反卿宜速討之閔農攻斬伏都等自鳳

陽門至琨華橫尸相枕血流九渠以上亦見御覽三百七十五宣令內外六夷敢稱兵杖者斬之胡人或斬關或踰城而

出者不可勝數使尙書王簡少府王鬱帥衆數千守鑿於御龍觀懸食給之石鑿鑿原誤好食蒸餅常以

乾棗胡桃瓢爲心蒸之使拆裂方食及爲冚閔所篡幽廢思其不裂者不可得此節依御覽八百六十引補令城內曰與

官同心者住不同心者各任所之勅城門不復相禁於是趙人百里內悉入城胡羯去者填門閔知胡之

不爲己用也班令內外趙人斬一胡首送鳳陽門者文官進位三等武職悉拜牙門一日之中斬首數萬

閔躬率趙人誅諸胡羯無貴賤男女少長者皆斬之數句亦見御覽三百三十五死者二十餘萬人尸諸城外悉爲野犬

豺狼所食屯據四方者所在承閔書誅之於時高鼻多鬚至有濫死者太宰趙鹿太尉張舉中軍張春光



祿石岳、撫軍石寧、武衛張季、及諸公侯卿校龍騰者萬餘人，出奔襄國。石琨奔據冀州，撫軍張沈屯滏口。張賀度據石瀆，建義段勤據黎陽，寧南楊羣屯桑壁，劉國據楊城，段龔據陳留，姚弋仲據混橋，苻洪據枋頭，衆各數萬。王朗、麻秋自長安奔於洛陽，秋承閔書，誅朗部胡千餘，朗奔於襄國。麻秋率衆奔於苻洪，石琨及張舉、王朗率衆七萬伐鄴，石閔率衆千餘距之城北，閔執兩刃矛馳騎擊之，皆應鋒摧潰，斬級三千。琨等大敗，遂歸於冀州。閔與李農率騎三萬討張賀度於石瀆，鑿密遣宦者齎書召張沈等，使承虛襲鄴。宦者以告閔，農、閔農馳還。初，青龍元年正月，石閔欲滅二石之號，議曰：「孔子曰：『易姓而王，七月者七十有三國。』」繼趙李，識書怙然。且德星鎮衛，宜改號大衛，易姓李氏。又大赦改元。閏月廢鑿，殺之。誅虎孫三十八人，盡殫石氏。鑿在位一百三日。鑿，字大朗，虎第三子也。李龍，小男混，永和八年將妻妾數人奔京師，勅收付廷尉，俄而斬之於建康市。李龍十三子，五人爲母閔所殺，人人自相殘害，混至此又死。初識者言滅石者陵，尋而石閔徙封蘭陵公。李龍惡之，改蘭陵爲武興郡。至是終爲閔所滅。始勒以成帝咸和三年僭立二主四子，凡二十三年，以穆帝永和五當作六·案鑿在永和六年閏正月見殺年滅。



# 十六國春秋輯補卷二十

## 後趙錄十

石閔

石閔字永曾小字棘奴虎之養孫也父瞻一作瞻字弘武本姓丹名良魏郡內黃人也其先漢黎陽騎都督累世牙門勒破陳午於河內獲瞻時年十二長而勇悍便弓馬臨陣不顧勒奇之曰此兒壯健可嘉命虎子之驍猛多力攻戰無前歷位左積射將軍封西華侯閔幼而果銳虎撫之如孫及長身長八尺善謀策勇力絕人虎卽位拜建節將軍徙封修武一作盛侯歷位北中郎將游擊將軍虎之敗於昌黎閔軍獨全由此功名大顯及敗梁犢之後威聲彌振胡夏宿將莫不憚之

庚戌

永興元年

晉永和六年

閏月殺石鑿其司徒申鍾司空郎闔等四十八人上尊號於閔閔固讓李農農以

死固請於是僭卽皇帝位於南郊大赦改元曰永興國號稱大魏復姓丹氏追尊其祖隆元皇帝考瞻烈祖高皇帝尊母王氏爲皇太后立妻董氏爲皇后子智爲皇太子以司馬李農爲太宰領太尉錄尙書事封齊王諸農子皆封爲縣公封其子胤明裕皆爲王文武進位三等封爵有差遣使者持節赦諸屯結皆

不從。新興王石祗聞鑒之死，僭稱尊號於襄國。改年永寧。拜姚弋仲、苻健官。

句依通鑑攷異引補

諸六夷據州郡擁

兵者皆應之。閔遣使臨江告晉曰：胡逆亂中原，今已誅之。若能共討者，可遣軍來也。朝廷不答。閔誅李農

及其三子，并尚書令王謨、侍中王衍、中常侍嚴震、趙昇等。王謨字思賢，甕鼻，言不清暢，廷短無威儀。將拜

曲陽令，石勒疑之，問長史張賓。賓曰：請試可不勒從之。由是政教嚴明。百城尤最。出爲都部從事，守宰去

官者十五人。依御覽二百六十八及三百六十七引補晉廬江太守袁真攻其合肥，執南蠻校尉桑坦，遷其百姓而還。石祗遣其

相國汝陰王石琨帥衆十萬伐鄴。六月，進據邯鄲。祗鎮南劉國自繁陽會琨，閔盡衆拒之。大敗琨於邯鄲。

死者萬餘。劉國還屯繁陽。苻健自枋頭入關，張賀度、段勤與劉國、靳豚會於昌城，將攻鄴。閔遣尚書左僕

射劉羣爲行臺都督，使其將王泰、崔通、周成等帥步騎十二萬，次於黃城。閔躬統精卒八萬繼之，戰於蒼

亭。賀度等大敗，死者二萬八千，追斬靳豚於陰安鄉。盡俘其衆，振旅而歸。戎卒三十餘萬，旌旗鐘鼓，縣亘

百餘里。雖石氏之盛，無以過之。閔至自蒼亭，行飲至之禮，清定九流，準才授任。儒學後門，多蒙顯進。於時

翕然方之爲魏晉之初。閔帥步騎十萬攻石祗於襄國，署其子太原王胤爲大單于，驃騎大將軍，以降胡

一千，配爲麾下。光祿大夫韋謏啟諫甚切，閔覽之大怒，誅謏及其子孫。

辛亥二年二月，閔攻襄國百餘日，爲土山地道，築室反耕，祗大懼，乃去皇帝之號，改稱趙王。遣太尉張舉

乞師於慕容儁，中軍張春請救於姚弋仲。三月，祗相國汝陰王琨自冀州救祗，弋仲復遣其子襄率騎二

萬八千。至自瀘頭，僞遣將軍悅綰，率甲卒三萬自龍城。三方勦卒合十三萬。閔遣車騎胡睦，距襄於長蘆。將軍孫威、候琨於黃邱，皆爲敵所敗。士卒略盡。睦威單騎而還。琨等軍且至。閔將出擊之。衛將軍王泰諫曰：「窮寇固迷，希望外援。今彊救雲集，欲吾出戰。腹背擊我，宜固壘勿出。觀勢而動，以挫其謀。今陛下親戎，如失萬全大事去矣。請慎無出。」臣請率諸將爲陛下滅之。閔將從之。道士法饒進曰：「太白經昂，常殺胡。王一戰百剋，不可失也。」閔攘袂大言曰：「吾戰決矣。」敢諫者斬。於是盡衆出戰。姚襄、悅綰、石琨等三面攻之。祇衝其後。閔師大敗。閔潛於襄國行宮，與千餘騎奔還鄴。降胡栗特康等，執丹胤及左僕射劉琦等，送於祇。盡殺之。司空石璞、尙書令徐機、車騎胡睦、侍中李緄、中書監盧諶、少府王鬱、尙書劉欽、劉休等，及諸將士死者十餘萬人。於是人物殲矣。盜賊蜂起。司冀大饑，人相食。自季龍末年，并閔盡散倉庫，以樹私恩。與羌胡相攻，無月不戰。青雍幽荊州徙戶，及諸氏羌胡蠻，數百餘萬，各遠本土，道路交錯，互相殺掠。且饑疫死亡，其能達者，十有二三。諸夏紛亂，無復農者。閔悔之，誅法饒父子，支解之，贈章諶大司徒。石祇使劉顯帥衆七萬，追奔伐鄴。時閔潛還，莫有知者。內外訥訥，皆謂閔已歿矣。射聲校尉張艾勸閔親郊，以安衆心。閔從之。譌言乃止。劉顯次於明光宮，去鄴二十三里。閔懼，召衛將軍王泰議之。泰恚其謀之不從，辭以瘡甚。閔親臨問之，固辭疾篤。閔怒，還宮。顧謂左右曰：「巴奴乃公，豈假汝爲命邪？」要將先滅羣胡，卻斬王泰。於是盡衆而戰，大敗顯軍，追奔至於陽平，斬首三萬餘級。顯懼，密使請降，求殺石祇爲效。閔振旅而歸，會有告

王泰招集秦人將奔關中。閔怒誅秦夷其三族。四月劉顯殺祗及其丞相樂安王炳。太保張舉。太宰趙鹿等十餘人。傳首於鄴。送質請命。遣拜顯上大將軍。大單于冀州牧。祗炳皆虎之庶子也。驃騎石寧奔於柏人。閔命焚祗首於通衢。閔兗州刺史劉啟。以鄆城歸順。七月劉顯復率衆伐鄴。閔擊敗之。還稱尊號於襄國。閔徐州刺史周成。兗州刺史魏統。豫州牧冉一作張。遇。荊州刺史樂弘。皆以城歸順。平南高崇。征虜呂護。執洛州刺史鄭系。以三河歸順。慕容彪攻陷中山。殺閔寧北白同。幽州刺史劉準。降於慕容儁。

壬子 永興三年。有雲黃赤色。起東北。長百餘丈。以上亦見御覽八百七十七。一白鳥從雲間西南去。占者惡之。二月。劉顯

率衆伐常山。太守蘇彥一作亥。告難於閔。閔留其大將軍蔣榦等。輔其太子智守鄴。親率騎八千救之。顯所

署大司馬清河王寧。以棗強降於閔。收其餘衆擊顯。敗之。追奔及於襄國。顯大將軍曹伏駒。開山爲應。遂

入襄國。二月。誅顯。句亦見通鑑攷異。及其公卿已下百餘人。焚襄國宮室。遷其百姓於鄴。顯領軍范路。率衆千餘。斬

關奔於枋頭。三月。前燕慕容儁已剋幽薊。略地至於冀州。閔帥騎距之。與儁將慕容恪相遇於魏昌城。廣

廉當作臺。閔大將軍董閏。車騎張溫。言於閔曰。鮮卑乘勝氣勁。不可當也。請避之以溢其氣。然後濟師以擊

之。可以捷也。閔怒曰。吾成師以出。將平幽州。斬慕容儁。今遇恪而避之。人將侮我矣。乃與恪遇。十戰皆敗。

之。恪乃以鐵鑣連馬。簡善射鮮卑勇而剛者五千。方陣而前。閔所乘赤馬曰朱龍。日行千里。左杖雙刃矛。

右執鉤戟。順風擊之。斬鮮卑三百餘級。俄而燕騎大至。圍之數周。閔衆寡不敵。躍馬潰圍出。東走行二十

餘里馬無故而死。遂爲恪所擒。

此段亦見御覽二百八十六及三百五十二。

及蓋闈、張溫等送之於薊。儁立閔而問之曰：汝奴僕下

才，何敢妄稱天子？閔曰：天下大亂，爾曹夷狄人面獸心，尙欲篡逆，我一時英雄，何爲不可作帝王邪？儁怒。

鞭之三百，遣慕容評帥衆圍鄴。五月，送閔於龍城，告虜虢廟而殺之。劉寧及弟崇帥胡騎三千奔於晉陽。

蘇亥一作彥

棄常山奔於新興。鄴中饑，人相食。虎時宮人，被食略盡。丹智尙幼，蔣榘遣侍中繆嵩、詹事劉猗

奉表降晉，且乞師於晉。濮陽太守戴施自倉垣次於棘津，止猗不聽，進責其傳國璽。猗使嵩還鄴，復命榘

沈吟未決。施乃率壯士百餘人入鄴，助守三臺，譎之曰：且出璽付我，今凶寇在外，道路不通，未敢送也。須

得璽，當馳白天子耳。聞璽已在吾處，信卿至誠，必遣軍糧，厚相救餉。榘以爲然，乃出璽付之。施宣言使督

護何融迎糧，陰令懷璽送於京師。八月，長水校尉馬願、龍驤將軍田香開門降評。施融、蔣榘懸縋而下，奔

於倉垣。評送閔后董氏、太子智、太尉申鍾、司空條休、中書監聶熊、司隸校尉籍巖、中書令李垣及諸王公

卿士於薊。尙書令王簡、左僕射張乾、右僕射郎肅自殺。初，慕容儁斬閔於遏陁山，山左右七里，草木悉枯。

蝗蟲大起，自五月不雨，至於十二月。儁遣使者祀之，諡曰武悼天王。其日大雨雪，是歲永

原誤作太。

和八年

也。





# 十六國春秋輯補卷二十一

## 後趙錄十一

支雄

支雄、其先月支胡人也。通鑑晉紀九注引後趙支雄傳。

司空支雄。廣韻

張謐

張謐、美姿容貌、幼而逸氣、太守陸雲見而異之、謂傅壽喜曰、吾聞冀州多名童、故不虛也。御覽三百七十九

張樓

張樓爲臨水長、嚴政酷刑、殘忍無惠、人謠之曰、陽平張樓頭如箱、見人切齒劇虎狼。御覽四百六十五

魏豹

魏豹、字叔虎、范陽人也、遷中山太守、所在有治名、豹嬖妾先死、豹死守死守二字疑是魏妾二字之誤於廩邱南、妾形見

與豹言翌日而卒。御覽八百八十三